

à quo ille sua sumpsit, spectes. Assentior enim iis qui hanc heresin, Allegoristarum qui ab Origene orti sunt, propaginem esse censent, in quorum numero est Epiphanius. Dicuntur autem hi non tantum Hierachitæ, sed etiam Heraclitæ, quemadmodum ab Isidoro, siue is scribarum error fuit, siue quod duo præcipui fuerunt huius sectæ patroni & columnæ. Hierachitæ quidem ab Hieracha, vel Hierace, ut alii malunt, qui Ægyptius fuit, patria Leontopolites. Est autem Leontopolis celebre Ægypti oppidum, à quo nomos Leontopolites appellatur, ut scribit Plinius libro 5. capite 9, & 10. Hunc autem sub Seuero imperatore quidam collocant, in quo meo quidem iudicio falluntur, quemadmodum postea etiam apparebit: & Hieracem hunc cum eo confundunt, qui laudatur ab Eusebio lib. 7. Histor. capite 21. neque fuit hæreticus. Heraclitæ autem ab Heracla, non illo quidem qui commemoratur ab Eusebio libro 6. hist. capite 20. qui fuit & Ægyptius, & omnis Græcorum literature peritissimus: sed ab hoc, qui Monachus fuit, & hoc teterrimo errore iam infectus, quanquam hunc etiam ipsum in Græca & Ægyptiaca lingua eruditissimum floruisse testatur Epiphanius. Fluxit igitur hæc heresis ex Origenistarum schola: & post monachismum non modò exortum, sed etiam in pretio iam habitum, adeò ut huius initia post Origenem, & Paulum Eremitam, à quo primum monachatus, & sub Xysto quidem primo Rom. pontifice cœpit, collocentur. Innotuit igitur sub Galliено imperatore, & Dionysio Romano pontifice, circa annum à Christo passo 234. fuitque laudum cœlibatus, monachatus, abstinentiæ im-

men-